



OTTU...

La 'ita di un bambòcciu



REGIONI AUTONOMA DI LA SARDIGNA
REGIONE AUTONOMA DE SARDIGNA
REGIONE AUTONOMA DELLA SARDEGNA

Progettu “Li Linghi di Tarranóa - Sas Limbas de Terranoa” - Annualitài 2023 –
Finanziatu da la Regioni Saldigna cu' la Legghji 482 di lu 99
e cu' la Legghji Regionali 22 di lu 2018 e sigutu da l'Istitutu Chircas

OTTU...

La 'ita di un bambòcciu

LA DÌ CHI M'AGATTÉSI ILLA 'ITRÌNA DI UNA BRUTTÉA, DISI A ME MATTÉSSI: «SÒCU DIVINTÀTU 'ÈCCHJU, CARU OTTU!»

SÒCU NATU INN UNA FRABBICA MINURÉDDHA IN GERMANIA E ANCÓRA OGGHI M'AMMÈNTU CANTU PUGNÌANI L'ACHI PA' CUSGÌMMI.

LA PRIMMA COSA CHI VIDÌSI CU' LI MÉ' ÒCCHJI DI 'ITRU STÉSI UNA FÈMINA. MI PIDDHÉSI IN MANU E DISI: «MA FIGGHJULÉTI, NO È BIDDHITTU?»

MI IMBULICHÉSI CUN PAPÉRI FINI E MI CHJUDÌSI INN UNA CASCITTÉDDHA.

UNA BÈDDHA DÌ INTINDÌSI CALCHE BÓCI, DAPÓI UN FRUSCIU, UNA MÙITA DI PAPÉRI FIACCHÈNDISI E TUTT'A UNU GHJÓ LA LUCI!

ADDANANZI A ME VIDÌSI LA CARA SPANTÀTA DI UNU STÉDDHU.

PIÙ ATTALDU VINÌSI A SAPÉ CHI SI CHJAMÀA DAVID E CHI ÉU ÉRA LU SÓ' RIGALU PA' CANDU FACI L'ANNI.

DAVID E LU SÓ' PIÙ CARU AMICU, OSCAR, STAGGHJÌANI ACCULTU DI CASA.

STÉSINI IDDHI DUI CHI MI CHJAMÉSINI OTTU.

NO PUDÌAMI STÀ ALLÒNGA UNU DA L'ALTU E DUGNA DÌ INVINTÀAMI GHJÓCHI NÓI.

UNA 'ÒLTA DIZZIDÌMMU CHI DÌA IMPARÀ A SCRÌ, MA LI MÉ' MANARÉDDHI SCATÒLCI NO ANDAGGHJÌANI D'ACCÒLDU CUN TRIMÈNTU E PINNÌNU.

CUMBINÉSI CHI MI CANDILÉSI E LU CULÓRI NO NN'ANDÉSI PIÙ.

CU' LA MACCHINA DI SCRÌ DI LU BABBU DI DAVID, PARÒ, ÉRA TUTTU DI MANCU CUMPLICATU.

CI'ABBINTÀAMI ANCÓRA A FA ASSUCCUNÀ A ZIA SCHMIDT, CHI STAGGHJÌA ILLU PIANU DI SUTTU.

FINZA CHI ARRIÉSI LA DÌ CHI DAVID DÌA PULTÀ UN ASTRU GRÒGU CU' LA SCRITTA "EBRÉU". TUTTI DÌANI 'IDÉ CHI IDDHU ÉRA DIFFARÈNTI.

MA L'ÒMINI NO SÒ TUTTI PRECCÌSI?



OTTU...

La 'ita di un bambòcciu

NOI TRE NO CUMPRINDÌAMI PIÙ LU MUNDU.
POCHI DÌ INFATTU, ÒMINI IN DIVISA E CUN GABBÀNI NIÉDDHI
DI PÉDDHI ALZÉSINI LI SCALI A PASSU PISÛTU: ÉRANI 'INÈNDI A
PIDDHÀ A DAVID E LU BABBU E LA MAMMA.



«OTTU, TU AMBÀRA CHICI CUN OSCAR» DISI DAVID DÈNDIMI LA
DISPIDÌTA.

LU 'IDÌSIMI ALZÈNDI INNANTU A UN CAMIU E SI LLU PULTÉSINI
INSÈMBI A UMBÈ DI ALTU GHJÈNTI CU' L'ASTRU INNANTU A LU
PÈTTU.

ABÀLI ÉU E OSCAR ÉRAMI A LA SÓLA.
UMBÈ DI 'ÒLTI AMBARÀAMI SCIUTÀTI PA' TUTTA LA NÒTTI E
FAIDDHÀAMI DI L'AMICU NOSTRU.
UNA DÌ ANCÓRA LU BABBU DI OSCAR DIA PALTÌ PA' LA GHÈRRA.

DAPÓI CUMINCÉSINI LI BUMBALDAMÈNTI CU' L'APPARECCHI.
CANDU SUNÀANI LI SIRÈNI, CURRÌAMI IMPRÈSSA ILLI
CUATÒGGHJI.
FÓRA, ABÀ, V'ERANI SÓLU CHISGÌNA E BISTRÀSCIU.
UNA DÌ VI STÉSI UN CIÒCCU PIÙ FOLTI DI L'ALTI.
ÉU CI SÒCU BULATU INN ARIA E AGGHJU AÛTU UN
MANCAMÈNTU. MI SCIUTÉSI INNANTU A UN MUNTÒNI DI RUÌNI.
INTUNDU A ME NO V'AÌA ALTU CHE BISTRASCIU.



DAPÓI ARRIÉSINI LI SULDATI E CARR'ALMATU, SI 'NTINDÌA TIRÀ.
TUTTU INTUNDU V'ÉRA LA GHÈRRA.
TUTT'A UNU UN'ALZATA D'ÒCCHJI SPANTATA SI CALÉSI
INNANTU A ME.

M'ACCAPITÉSINI DA TARRA.
IN CHISSU MUMÈNTU INTINDÌSI UN TIRU E UN DULÓRI FÒLTI A
LU PETTU.

ANCÓRA LU SULDATU CHI M'AÌA ACCAPITATU DA TARRA ÉRA
STATU FIRÛTU E DUI 'NFILMIÉRI CI PULTÉSINI A LU 'SPIDALI.
LU SULDATU SI CHJAMÀA CHARLIE.



MI TINÌA SÈMPRI CUN IDDHU E FACÌA LU CÒNTU A TUTTI: «LU
'IDÌTI CHISTU BAMBÒCCIU? M'À SALVATU LA 'ITA. M'À
SFRANCATU DA LU TIRU CHI DÌA PIDDHÀ A ME!»
CHARLIE RICIÌSI UNA MIDADDHA E MI LLA APPUNZIÀTA ILLU
PETTU.



OTTU...

La 'ita di un bambòcciu

LA FOTOGRAFIA MÉA ISCÌSI INNANTU A LU GIORNALI E
DIVINTÉSI LA MASCOTTE DI LU REGGIMÈNTU.
CUMPRITA LA GHÈRRA, CHARLIE TURRÉSI INN AMERICA E
MI DUNÉSI A SÓ' FIDDHÓLA JASMINE.
... ÉU AÌA TÒRRA UNA CASA.
MA LA MÉ' FULTUNA NO DURÉSI ABBÈDDHU.


INN UNA PASSIZZATA CASCHÉSI ILLI MANI DI UNA GREFFA
DI STIDDHACCI.
MÈZU CÉCU, MANCIULATU E TUTTU STRUPPIATU, MI CI
LAMPÉSINI IN UN BÒTTU DI L'ALGA.
M'AGATTÉSI UNA ZIA 'ÈCCHJA CHI ÉRA BULICHÈNDI IN
MÈZU A L'ALGA.

IDDHA MI 'INDÌSI A UN RIGATTÉRI CHI MI SCUZZULÉSI DA
LA PULVARICCIA, MI SCIUCCHÉSI E MI CUSGÌSI
ACCUNCÈNDIMI. «SÉ' PRÓPPIU UN BÈDDHU PEZZU DI
COLLEZIÒNI» DISI CUNTÈNTU E MI PUNÌSI IN VITRÌNA.

MA NISCIUNU S'AVVIDÌA CHI ÉU ÉRA CHÌ. UNA SÉRA, DAPÓI
DI UMBÈ D'ANNI, BENOMALI, UN TURISTA 'ÈCCHJU FILMÉSI
A BUCCA ABBALTA ADDANANZI A LA 'ITRÌNA. CU' L'ÒCCHJI
SBARRÀTI PA' LU SPANTU BULBUTTÉSI: «OTTU!» E INTRÉSI
CURRÈNDI ILLA BRUTTÉA.
ÉRA OSCAR.

IN UN INGLÉSU STRUPPIÀTU FÉSI LU CÒNTU A LU
RIGATTÉRI COMU C'ÉRAMI CUNNÒTTI E MI SI CUMPARÉSI.
LU NÒSTRU CÒNTU CUMPRÌSI INNANTU A LI PRIMMA
PAGGINI DI LU GIORNALI.

ILLA CÀMBARA D'ALBERGU DI OSCAR, UNA SÉRA SUNÉSI LU
TELEFFONU. LU 'NTINDÌSI DICENDI: «DAVID, NO PARI 'ÉRU!
EMMU, EMMU, VINÌMU!



OTTU...

La 'ita di un bambòcciu

E POCU TÈMPU INFATTU ÉRAMI TUTTI E TRE INSÈMBI A AFFISTÀ LU NÒSTRU ABBOIU.

LU CÒNTU CHI INTINDÌSI ÉRA SUZZU ABBEDDHU; DAVID E OSCAR ÉRANI L'UNICHI SFRANCATI DA LA MÒLTI DI LI SÓ' FAMÌLI.

DAVID, CU' LA SÓ' FAMÌLIA ÉRANI FINÙTI IN UN CAMPU DI CONCENTRAMÈNTU E LI SÓI ÉRANI MÒLTI.

LU BABBU DI OSCAR ÉRA MÒLTU IN GHÈRRA E LA MAMMA IN UN BUMBALDAMÈNTU CU' L'APPARÈCCHIU. ABÀ NUDDHA PUDÌA PIÙ SIPPARACCI!

DIZZIDÌSIMI DI STÀ AUNÌTI E CILCHÉSIMI UNA CASA PA' TUTT'E TRE.

BENOMALI, A BON'ÓRA LA 'ITA È COMU DÌA STÀ: IN PACI COMU DI RÉGULA.

E PA' NO STÀ SCUNTIVICIATU E SVILIMMI AGGHJU CUMINCIATU A SCRÌ LU CÒNTU NÒSTRU.

